



## AFERA U VEZI S PRISLUŠKIVANJEM GORDANE TADIĆ I RUŽICE JUKIĆ

# Simić u pritvoru



**U. VUKIĆ**

**SARAJEVO - Opštinski sud u Sarajevu odredio je jednomjesečni pritvor novinaru portala Dnevno.ba Josipu Šimiću, koji je osumnjičen za krivično djelo krivotvorenja isprave i lažno predstavljanje.**

Šimiću, kojeg je po nalogu Tužilaštva Kantona Sarajevo Državna agencija za istrage i zaštitu (SIPA) uhapsila početkom sedmice zbog krivotvorenja službenih dokumenata SIPA, pritvor je određen zbog opasnosti od uticaja na svjedoke, saučesnike i prikrivanje dokaza.

Inače, Šimić je krajem avgusta Tužilaštvu BiH dostavio dokumente i podnio krivičnu prijavu protiv Dragana Mektića, ministra bezbjednosti BiH, za kojeg je rekao da je nelegalno za njegove potrebe SIPA prisluškivala v.d. glavnog tužioca Tužilaštva BiH Gordanu Tadić. Odmah

nakon te prijave u javnost je izašao Mektić, tvrdeći da je Tužilaštvu BiH dostavljena lažna dokumentacija, što se na kraju i nakon interne istrage u SIPA ispostavilo kao tačno.

Šimić je, po pisanju medija, istražiocima otkrio da je sporne dokumente dobio od dvojice navodnih radnika SIPA, a za koje se na kraju ispostavilo da ne rade u SIPA, već je riječ o suspendovanim radnicima Službe za poslove sa strancima BiH - Josipu Kvesiću i Borisu Kordiću. Oni su, navodno, pobjegli u Hrvatsku.

Zanimljivo je da su nakon Šimićeve prijave ekspresno reagovali iz Tužilaštva BiH, tvrdeći da su im dostavljeni dokumenti koji ukazuju na sprovođenje posebnih istražnih radnji, odnosno praćenje Tadićeve ali i Ružice Jukić, potpredsjednice VSTS, koja i danas tvrdi da su dostavljeni transkripti tačni, odnosno da se u njima navodi sadržaji razgovora nije i Tadi-

ćeve koji se zaista dogodio.

O navodnom prisluškivanju Gordane Tadić bilo je riječi i na sjednici VSTS-a, gdje je Jukićeva takođe potvrdila da je dobila transkripte svojih razgovora i službenih e-mailova, ocjenjujući da je to strašan napad, ali ne zna od strane koga. Navela je i to da joj je na proslavi Ustavnog suda BiH jedan kolega rekao da je prati OBA. U međuvremenu pred Osnovnim sudom u Sarajevu počelo je i suđenje po tužbi Jukićeve protiv Mektića zbog klevete i povrede ugleda.

**PRITVOR ODREĐEN ZBOG OPASNOSTI OD UTICAJA NA SVJEDOKE, SAUČESNIKE I PRIKRIVANJE DOKAZA**

Osim toga, Upravni odbor "BH novinara" juče je najoštrije osudio "bahato, primitivno i neprofesionalno ophođenje čelnih ljudi Tužiteljstva BiH, Visokog sudskog i tužilačkog vijeća i Ministarstva sigurnosti Bosne i Hercegovine prema novinarima i medijima koji su pratili preskonferencije i izvještavali o događajima povezanim sa navodnim prisluškivanjem Gordane Tadić, v.d. glavnog tužitelja BiH, i Ružice Jukić, potpredsjednice VSTV-a".